



*et a femme  
appellee Anne  
Boynet fille*

Au procez du sieur de Peraut,  
Contre Saxi il y a trois questions  
principales.



A premiere si le Rosne est tout au Roy:  
comme Roy : tant à son ancien lit que  
moderne.

La seconde si les officiers de Prouence  
ont droit: ou possession de bailler les cre-  
mens, & les Isles du Rosne en infeoda-  
tion iusques à la moitié de la riuiera.

La troisieme si l'Isle dont les parties  
disputent est vn mesme corps, & vne seu-  
le & mesme piece: par consequent si Sa-  
xi qui a bail de l'an 1539. des Prouençaus 12. ans apres celuy du sieur  
de Peraut, a vsurpé la piece des-ja baillée en infeodation par les offi-  
ciers du Roy en Lenguedoc.

Quand au premier point le droit est au Roy: par la disposition du  
droit commun: Car tous fleuves publics sont au droit de Regale  
*C. i. Que sunt regal. verbo flumina nauigabilia.* Le droit Ciuil qui distin-  
gue *flumina alia publica alia priuata*, les priues sont aux Seigneurs des  
deux bors. *§. insula de Rer. diuis. l. i. de fluminib.* Les publiques sont aux  
Princes souuerains, *l. fluminum §. plane de damno inf. l. quamuis verb. nisi  
Imperator de fluminib.* Comme les chemins publics. Les pors, les  
bors, les lieux publics sont au souuerain qui seul represente le  
public.

Le Roy en a tiltre: assauoir S. Loys au traicte de paix du Comte de 1232.  
Toulouse & des Albigeois: del'an 1232. recite par Viurier en la Bi-  
blioteque produit soubs cote. Dit que les terres du Côte que *sunt  
circa Rodanum*, reuiennent au Roy: Et celes que *sunt ultra Rodanum*,  
demeurent au Pape: Et partant dans ce traicte de paix il dit, *flumen  
nostrum Rodanum in Regno francorum.*

En suite Charles 5. qui viuoit cent ans apres commanda aux offi- 1368.  
ciers du Lenguedoc mettre en sa main toutes les Isles & cremens  
du Rosne par son ordonnance de l'an 1368. cotee. D.

A

D.





- E. Dix-huit ans apres arrest contre le Duc de Sauoye sous la cote  
 1396. du temps de Charles 6. qui iuge qu'il n'a rien en la riuere du Rosne.  
 Arrest. Deux ans apres Marie Roïne de Sicile Contesse de Prouence  
 declare à Charles 6. qu'elle ne pretend rien sur le Rosne sous cote.  
 1398. La possession outre ce que dessus iustifie par la suite des temps  
 Declaration. sur chascune piece de crement ou Isle. Car l'an 1332. sous cote PPP.  
 1332. cent quarante neuf ans auant la donation du Comte de Prouence  
 Bertranet in- le Seneschal de Beaucaire : infeoda l'Isle de Bertranet : Et l'Isle ap-  
 feode. pellee du bois Bermonenc & iugea d'icelle : qui est maintenant ter-  
 PPP. re ferme du costé de Prouence.  
 1373. 1380. L'an 1373. & 1380. sous cote QQQ. appert que les habitans de  
 Bertranet. Valabregue ayant priuilege particulier de reprendre leurs heritages  
 QQQ. quand le Rosne leur ayant osté leur rend (ce qui est appellé desguise-  
 ment) sur ce priuilege Oliuier Spiard reprend ce que le Rosne lui  
 auoit osté & desmoly en ladicte Isle de Bertranet de Aymar Bom-  
 par, Chastelain, & Viguiér de Beaucaire.  
 1437. Le Parlement de Toulou-se iugea l'an 1437. l'Isle de Lers contre  
 Arrest. les officiers de Prouence l'arrest est produit sous cote B.  
 B. L'an 1453. sous cote RRR. le Viguiér pour le Roy à Valabregue  
 RRR. baille le 5. Iuin à Hugues Dauin 70. cesteres terre à ladicte Isle de  
 1453. Bertranet suiuant le priuilege de desguisement.  
 Bertranet in- En l'an 1464. 1486. 1487. 1489. sous cote SSS. TTT. Hugues Da-  
 feode. uin & depuis ses heritiers reprenent par ladicte forme de desguise-  
 SSS. TTT. ment des officiers de Lenguedoc leurs terres à eux rendues par le  
 1464. 1486. Rosne en ladicte Isle de Bertranet, & bois Bermonenc.  
 1487. 1489. En l'an 1485. Sentence pour l'Isle de la Fleche adiugee au Roy  
 Bertranet in- contre la Prouence : Et tout contre Auignon.  
 feode. En l'an 1491. Et cecy est remarquable les officiers du Pape souue-  
 1485. rain en Auignon qui n'a droit que du Comte de Prouence, & par  
 Sentence. consequent pretend autant que pourroit faire le Comte ayant fait  
 1491. marché de bastir vn rampart qui beuuoit dans la riuere du Rosne,  
 Permission en auroit demandé la permission au Roy : laquelle plaidee au Parle-  
 Arrest. ment de Toulouse leur fust interinee par Arrest produit cote XXX.  
 XXX. A la charge en cas seroit desmoly de ne le pouoir rebastir sans con-  
 gè du Roy.  
 1493. En l'an 1493. l'Arrest du Parlement de Toulouse la iuge contre les  
 Arrest. officiers de Prouence. Le Pape & Archeuesque d'Auignon que la-  
 dicte riuere & Isles en son ancien lit & moderne appartient au  
 Roy.  
 000. En l'an 1494. sous cote 000. sont produites quatre vingts dix-  
 1494. sept quitances commençant ladicte annee 1494. des receueurs du  
 Lussan infeo- bureau de Nymes iusques en l'an 1607. des payemens receus de  
 de. l'Isle de Lussan laquelle contre verité Saxi soustient estre du dome-



ne de Prouence.

Mil cinq cens quatorze le grand Conseil a iugé l'Isle de Castelet 1514.  
qui est maintenant terre ferme en Prouence contre les officiers de  
Prouence : l'Arrest est cotté Z.

En l'an 1519. sous cote CCC. il appert que les officiers de Lan- CCC.  
guedoc infeodarent l'Isle de Mesouargues, a Ican de Louet sieur 1519.  
d'Aramon & Valebregue. Et sous la mesme cote des payemens Mesouargues  
faits par ledit de Louet de ladicte Isle de Mesouargues au receueur infeode.  
du domene de Languedoc.

1526. Le Roy fait saisir toutes les Isles du Rosne: ce qui est rafres- 1526.  
chy en l'an 1530. par les officiers de Languedoc. Saisie.

1539. Le grand Conseil iuge l'Isle de Narbonne contre les officiers 1539.  
de Prouence. Arrest.

En l'an 1542. sous la cote VVV. appert des payemens fais par les VVV.  
tenanciers de l'Isle de Bertranet au receueur de Languedoc, & si 1542.  
Bertranet est auioird'huy terre ferme du costé de Prouence. Bert ranet.

1556. Le Roy par ses officiers de Languedoc fait saisir toutes les 1556.  
Isles de la riuere du Rosne de bord à l'autre. Sentences.

En l'an 1558. le rencontre sous les cottes DDD. EEE. FFF. KKK. DDD. EEE.  
LLL. les infeodations & sentences du sieur de Paule tout à la charge FFF. KKK.  
de payer au receueur du domene de Languedoc confirmées par les LLL.  
Arrests du Conseil de l'an 1563. 1582. produis par Saxi: De l'an 1567. 1558.  
pour l'Isle du Rodadour. produit sous cote KKK. Sentences.

1563. Le grand Conseil iuge l'Isle du petit Castelet, contre l'in- 1563. 1567.  
feodation de Prouence: Et la possession de 57. ans des habitans de 1582.  
Tarascon Saxi a produit cet Arrest: Et par autre Arrest de l'an 1582. 1563. 1582.  
leur delaisse depuis en payant au bureau de Languedoc. 1566.

En l'an 1566. le sieur de Lubieres vend à Claude Durand de Ta- Lubieres in-  
rascon 30. saulmees en l'Isle de Lubieres, dont l'investiture est prin- feode.  
se des officiers de Languedoc: Et les lods & redeuences payees le DDD.  
24. Septembre audit an produit sous cote DDD. 1567.

1567. Le grand Conseil iuge l'Isle du Rodadour, terre ferme du Arrest.  
costé de Prouence contre les officiers du conte & fait rendre l'ar-  
gent aux Prouençaux par la Chambre des Comtes qui l'ordonne  
& raye ses subiects du liure du domene.

1572. Le Roy fait son Edit recité par Baquet c. 30. nu. 7. lib. de la Edict.  
Iustice que toutes les Isles de ses riuieres seront saisies: affablisse-  
mens: atterrissemens iaucaux, & c.

En l'an 1573. autre crement de l'Isle de Lubieres a present terre 1573.  
ferme du costé de Prouence est baillé par les officiers de Languedoc. Infeodation  
à Pons Leotaud sous cote Lubieres.  
DDD.

En l'an 1585. autre bail fait par les officiers de Languedoc en ladi- 1585.  
cte Isle de Lubieres de 10. saulmees audit Leotaud cote Lubieres.

Le 24. Novembre 1592. homage rendu par maistre de Barreme DDD.



1592.

Lubieres.

DD D.

DD D.

1593.

Lubieres.

GGG.

1593.

Cassaigne.

1596.

Confession.

MMM.

aux officiers de Lenguedoc de 4. saulmes del'Isle de Lubieres sous ladiitte corte.

Et le 3. Feburier 1593. ledit maistre Barreme procureur du Roy en Arles ( ce qui est remarquable ) prend bail des officiers de Lenguedoc de 20. saulmes en ladiitte Isle de Lubieres sous ladiitte corte

En la mesme annee sous corte GGG. l'Isle de la Cassaigne ioinnant la Camargue & proche de la porte d'Arles est recogneue en Lenguedoc.

En l'an 1596. les habitans & syndics de Prouence & conté de Venissi se sont dressez au Parlement de Toulouse pour estre maintenus en leurs possessions des Isles qu'ils ont sur le Rosne sous corte

Quand au second point ou les officiers de Prouence ont droit par tiltre ou par possession.

Quand au tiltre Saxi n'en allegue point d'autre que le droit Ciuil, qui veut que les riuieres appartiennent au Seigneur des deux bors moytoyennement ce qui est vray pour les fleuues particuliers: Mais non pas pour les publiques suiuant ce que traite Bald. *que sunt Regalia. Col. 10. Joann. fab. aux Inst. de rerum diuisione §. flumina vers. Quid ergo Boyer Conf. 24. Guid. Pap. decis. 577.*

Mais ces distinctions monstrent que le Rosne est au Roy tant par les liures: les droits de Regale que par la possession de 300. ans iustifiee cy dessus de datre en datre.

En quoy il ne faut point dire que les quatre prouinces qui sont delà le Rosne: Sauoye: Dauphiné Conté de Vainissin, & celuy de Prouence ont autant de droit de s'attribuer la moytié de la riuere que le Roy. Car aucun d'eux ne fust iamais souuerain: ains garde des fiefs à eux commis par l'Empire: Et aucunes fois viquerés d'iceluy: mais le Roy souuerain possede en luy & par luy, & la possession non interrompue.

Car ceux de Prouence ny les officiers n'en ont aucune ce qui se voit puis que toutes les fois qu'il y en a eu dispute soit auant la donation du Comte de Prouence à la France soit apres: ils ont perdu leurs pretentions par tous les Arrests.

Aussi Saxi ne s'est fondé en possession: Car il n'y a aucun registre du domene de Prouence qui en monstre les actes: ains soustient que la France & le Comte de Prouence estans vnies & sous vn seul Roy: les magistrats ont esgale puissance en quoy il se trompe totalement: Car le Comte de Prouence ne fust iamais vnies: Comme traite François de Clapery en la *quest. i. cause. i. Que principaliter non accessorie*: c'est à dire avec les loix: Et retenant son tiltre, & les conditions: Aussi le Roy y parle comme Comte seulement: Et seelle du seel du Comte de cire rouge: Ce qu'il ne feroit pas, si elle estoit vnies accessorie: c'est à dire par reuersion à la Couronne dont elle

*Donnée  
au d'Arles  
le 1596*



faist sortie: comme les Duchez de Bourgoigne: Normandie & autres. Tellement que les officiers de Prouence n'ont acquis aucun droit ny iurisdiction venant à la France.

Et ce point est bien d'importance maintenant plus que iamais: Car depuis peu les officiers d'Auignon ont voulu empescher les officiers du Lenguedoc de iouyr du port d'Auignon l'affermier au nom du Roy: & d'vser de sa iurisdiction sur iceluy dont il y a grosse plainte & proces au priué Conseil. Ce que estant soufferreroit en effect diminuer le Royaume qui s'estend iusques là.

Quand au dernier point: Que c'est vn mesme corps que les parties disputent: qui a esté infeodé en douze ans aux deux parties par les officiers des deux prouinces, & partant que Saxi l'a occupé sur ledit sieur de Peraut: La datte des temps: la suite des choses, & la face des lieux le monstre coniointement avec les bornes & limites du bail del'vn & del'autre, car chacun est d'accord d'estre entré à l'endroit & au deuant les esperons d'Arles, vis à vis des parties de Beaucaire & fourques: Et par ceste designation il ne se peut trouuer autre lieu que le contreuersé: Car tout le surplus par la carte sont des cremens aduenus du despuis: lesquels Saxi a fait marquer comme cremens.

*Secundo* distrait les cremens de la face de la carte il ne reste dans ses limites que la mesure de cent saulmees.

*Tertio* il faut confesser que les cent saulmees nasquirent au lieu au iourd'huy marque le plus ancien: par l'aage de arbres qui s'y sont trouuez: Et se rencontre que en la petite & grand' meterie que l'vne & l'autre des parties a monstre les arbres sont de pareil aage & bien plus vieux que tout le reste du continent.

*Quarto* il se void par le rapport les enquestes & la carte que la face de cents saulmees monstrees par le sieur de Peraut est toute esgalement plus haute que tout le reste du terroir.

Or Saxi est necessité de confesser la monstree du sieur de Peraut vraye: puis qu'elle est contenue dans les bornes de son bail: Et qu'elle ne se peut trouuer ailleurs sans sortir desdictes bornes: par consequent ils'ensuit que Pages autheur dudit sieur de Peraut estoit le premier dans le lieu contreuersé: Et partant que celuy qui est venu le second a vsurpé sur le premier.

D'autant qu'il faut de necessité ou que la monstree du sieur de Peraut soit fauce: & contreuenante aux bornes de son bail: ou que petit autheur de Saxi ait pris ce que Pages auoit. Car la place, le lieu, & les limites ne reçoient pas les quantitez que chacun pretend: ou bien il faut que Saxi s'en aille hors du lieu designé à l'endroit & entre les esperons d'Arles: Et les parties de Beaucaire & Fourques.

Saxi se deffend de la possession: A quoy la responce a esté deuant



l'interlocutoire, qu'il auoit en l'an 1539. vsurpé sur des pupilles  
F. iustificié en la cotte F.

Leur minorité distraicte portoit iusques en l'an 1550. sans aucun  
cours de prescription: & en l'an 1556. il y eu saisie réelle, & senten-  
ce qui les depoussedit & cassa son bail, la saisie possedit pour  
tous: En l'an 1564. & 1565. La minorité des hoirs de Fet autheur du-  
dit sieur de Peraut iustifiée aux cottes. O. P. En l'an 1574. & 1575. sai-  
sie réelle qui possedit pour tous & point de main leuee, & depuis  
1575. iusques à l'action distraict le temps de la guerre ny auroit pas 15.  
ans libres: Aussi le Conseil par l'Arrest interlocutoire appointant  
les parties contraires a couuert la prescription & possession.

D'ailleurs il essaye de nier l'identité du corps à cest effect change  
les termes du bail de Pages lesquels portent à l'endroit & entre les  
esperons d'Arles, & il y met vis à vis les esperons d'Arles, ce qui est  
bien differend l'un de l'autre. Car l'un designe & borne un lieu cer-  
tain: & l'autre comprend ce que l'œil peut voir en mesmes temps.

Item il dit que les cent saulmees dudit sieur de Peraut estoient du  
costé du Languedoc & non de la Prouence, & neantmoins il se  
destruit luy-mesmes: Car par les cremens qu'il a fait marquer à la  
carte. Le premier est sous la lettre X. tout contre les cent saulmees  
marquées par consequent c'estoit lors riuere: Et ce qui est mainte-  
nant riuere estoit lors terroir de Languedoc, aussi est-il preuue:  
que le grand cours estoit du costé des esperons que l'on n'eust pas  
basté si la balance de la riuere ne se fust iettée là: Et luy-mesme pro-  
s. duit sous la cotte S. que en l'an 1564. Petit son autheur monstra au  
Commissaire de Prouence sur le lieu que ladicte Isle estoit entre les  
deux Rosnes, & sur le grand fil d'iceluy, & en demande acte audict  
Commissaire.









